

大般涅槃經卷第一

賓一

北涼天竺三藏曇無讖奉 詔譯  
壽命品第一之一

如是我聞一時佛在拘尸那城力士生地阿利羅跋提河邊娑羅雙樹間爾時世尊與大比丘八十億百千人俱前後圍繞二月十五日臨涅槃時以佛神力出大音聲其聲徧滿乃至有頂隨其類音普告衆生今日如來應正徧知憐愍衆生覆護衆生等視衆生如羅賾羅爲作歸依屋舍室宅大覺世尊將欲涅槃

槃一切衆生若有所疑今悉可問爲最後問爾時世尊於晨朝時從其面門放種種光其明雜色青黃赤白玻璃碼碯光徧照此三千大千佛之世界乃至十方亦復如是其中所有六趣衆生遇斯光者罪垢煩惱一切消除是諸衆生見聞是已心大憂愁同時舉聲悲啼號哭嗚呼慈父痛哉苦哉舉手拍頭推眉呼喚其中或有身體顫栗涕泣哽噎爾時大地諸山大海皆懸震動時諸衆生共相謂言且各戒抑莫大愁苦當疾往詣拘尸那城力

士生處至如來所頭面禮敬勸請如來莫般涅槃住世一劫若滅一劫互相執手復作是言世間空虛衆生福盡不善諸業增長出世仁等今當速往速往如來不久必入涅槃復作是言世間空虛世間空虛我等從今無有救護無所宗仰貧窮孤露一旦遠離無上世尊設有疑惑當復問誰時有無量諸大弟子尊者摩訶迦旃延尊者薄拘羅尊者優波難陀如是等諸大比丘遇佛光者其身顫掉乃至大動不能自持心濁迷悶發聲大喚生如

是等種種苦惱爾時復有八十百千諸比丘等皆阿羅漢心得自在所作已辦離諸煩惱調伏諸根如大龍王有大威德成就空慧達得己利如栴檀林栴檀圍繞如師子王師子圍繞成就如是無量功德一切皆是佛之真子於其晨朝日始初出離常住處嚼楊枝時第一遇佛光明並相謂言仁等速疾漱口澡手作是言已舉身毛豎徧體血現如波羅奢華涕泣盈目生大苦惱爲欲利益安樂衆生成就大乘第一空行顯發如來方便密教爲不斷

絕種種說法爲諸衆生調伏因緣故疾至佛所稽首佛足繞百千匝合掌恭敬却坐一面爾時復有拘陀羅女善賢比丘尼優波難陀比丘尼海意比丘尼與六十億比丘尼等一切亦是大阿羅漢諸漏已盡心得自在所作已辨離諸煩惱調伏諸根猶如大龍有大威德成就空慧亦於晨朝日初出時舉身毛豎偏體血現如波羅奢華涕泣盈目生大苦惱亦欲利益安樂衆生成就大乘第一空行顯發如來方便密教爲不斷絕種種說法爲諸

衆生調伏因緣故疾至佛所稽首佛足繞百千匝合掌恭敬却坐一面於比丘尼衆中復有諸比丘尼皆是菩薩人中之龍位階十地安住不動爲化衆生現受女身而常修習四無量心得自在力能化作佛爾時復有一恒河沙菩薩摩訶薩人中之龍位階十地安住不動方便現身其名曰海德菩薩無盡意菩薩如是等菩薩摩訶薩而爲上首其心皆悉敬重大乘安住大乘深解大乘愛樂大乘守護大乘善能隨順一切世間作是誓言諸未

度者當令得度已於過世無數劫中修持淨戒善持所行解未解者紹三寶種使不斷絕於未來世當轉法輪以大莊嚴而自莊嚴成就如是無量功德等觀衆生如視一子亦於晨朝日初出時遇佛光明舉身毛豎徧體血現如波羅奢華涕泣盈目生大苦惱亦爲利益安樂衆生成就大乘第一空行顯發如來方便密教爲不斷絕種種說法爲諸衆生調伏因緣故疾至佛所稽首佛足繞百千匝合掌恭敬却坐一面爾時復有二恒河沙等諸

優婆塞受持五戒威儀具足其名曰威德無垢稱王優婆塞善德優婆塞等而爲上首深樂觀察諸對治門所謂苦樂常無常淨不淨我無我實不實歸依非歸依衆生非衆生恒非恒安非安爲無爲斷不斷涅槃非涅槃增上非增上常樂觀察如是等法對治之門亦欲樂聞無上大乘如所聞已能爲他說善持淨戒渴仰大乘旣自充足復能充足餘渴仰者善能攝取無上智慧愛樂大乘守護大乘善能隨順一切世間度未度者解未解者紹

三寶種使不斷絕於未來世當轉法輪以大莊嚴而自莊嚴心常深味清淨戒行悉能成就如是功德於諸衆生生大悲心平等無二如視一子亦於晨朝日初出時爲欲闇毗如來身故人人各取香木萬束栴檀沉水牛頭栴檀天木香等是一一木文理及附皆有七寶微妙光明譬如種種雜彩畫飾以佛力故有是妙色青黃赤白爲諸衆生之所樂見諸本皆以種種香塗鬱金沉水及膠香等散以諸華而爲莊嚴優鉢羅華拘物頭華波頭摩

寶一  
華分陀利華諸香木上懸五色旛柔軟微妙猶如天衣嬌奢耶衣芻摩縞絲是諸香木載以寶車是諸寶車出種種光青黃赤白轍轎皆以七寶廁填是一一車駕以駟馬是一一馬駿疾如風一一車前豎立五十七寶妙幢

真金羅網彌覆其上一一寶車復有五十微妙寶蓋一一車上垂諸華鬘優鉢羅華拘物頭華波頭摩華分陀利華其華純以真金爲葉金剛爲臺是華臺中多有黑蜂遊集其中歡娛受樂又出妙音所謂無常苦空無我是

音聲中復說菩薩本所行道復有種種歌儻  
妓樂箏笛箜篌簫瑟鼓吹是樂音中復出是  
言苦哉苦哉世間空虛一一車前有優婆塞  
寶一擎四寶案是諸案上有種種華優鉢羅華拘  
物頭華波頭摩華分陀利華鬱金諸香及餘  
薰香微妙第一諸優婆塞爲佛及僧辦諸食  
具種種備足皆是栴檀沉水香薪八功德水  
甘四辛五鹹六淡復有三德一者輕軟二者  
淨潔三者如法作如是等種種莊嚴至力士

生處婆羅雙樹間復以金沙徧布其地以迦  
陵伽衣欽婆羅衣及縉絲衣而覆沙上周布  
徧滿十二由旬爲佛及僧敷置七寶師子之  
座其座高大如須彌山是諸座上皆有寶帳  
垂諸瓔珞諸婆羅樹悉懸種種微妙旛蓋種  
種好香以塗樹身種種名華以散樹間諸優  
婆塞各作是念一切衆生若有所乏須食與  
之所成熟其食甘美有六種味一苦二酢三  
鹽四辛五鹹六淡復有三德一者輕軟二者  
淨潔三者如法作如是等種種莊嚴至力士  
濁毒心無餘思惟求世福樂唯期無上清淨

菩提是優婆塞等皆已安住於菩提道復作  
是念如來今者受我食已當入涅槃作是念  
已身毛皆豎徧體血現如波羅奢華涕泣盈  
目生大苦惱各各齋持供養之具載以寶車  
香木幢旛寶蓋飲食疾至佛所稽首佛足以  
其所持供養之具供養如來繞百千而舉聲  
號泣哀動天地椎<sup>音</sup>骨大呌淚下如雨復相謂  
言苦哉仁者世間空虛世間空虛便自舉身  
投如來前而白佛言唯願如來哀受我等最  
後供養世尊知時默然不受如是三請悉皆

不許諸優婆塞不果所願心懷悲惱默然而  
住猶如慈父唯有<sup>一</sup>子卒病喪亡送其屍骸  
置於塚間歸還悵怏愁憂苦惱諸優婆塞憂  
愁苦惱亦復如是以諸供具安置一處却在  
一面默然而坐爾時復有三恒河沙諸優婆  
夷受持五戒威儀具足其名曰壽德優婆夷  
德變優婆夷毗舍<sup>音</sup>佉優婆夷等八萬四千而  
爲上首悉能堪任護持正法爲度無量百千  
衆生故現文身訶責家法自觀已身如四毒  
蛇是身常爲無量諸蟲之所唼食是身覩穢

貪欲獄縛是身可惡猶如死狗是身不淨九孔常流是身如城血肉筋骨皮裹其上手足以爲却敵樓櫓目爲竅孔頭爲殿堂心王處中如是身城諸佛世尊之所棄捨凡夫愚人常所味著貪婬瞋恚癡羅刹止住其中是身不堅猶如蘆葦伊蘭水沫芭蕉之樹是身無常念念不住猶如電光暴水幻談亦如畫水隨畫隨合是身易壞猶如河岸臨峻大樹是身不久當爲狐狼鴟梟鷲鳥鵠餓狗之所食噉誰有智者當樂此身寧以牛跡盛大

海水不能具說是身無常不淨是穢寧丸大地使如棗等漸漸轉小猶葦子乃至微塵不能具說是身過患是故當捨如棄湊唾以是因緣諸優婆夷以空無相無願之法常修其心深樂諮詢受大乘經典聞已亦能爲他演說護持本願毀呰女身甚可憐厭性不堅牢心常修習如是正觀破壞生死無際輪轉渴仰大乘既自充足復能充足餘渴仰者深樂大乘守護大乘雖現女身實是菩薩善能隨順一切世間度未度者解未解者紹三寶種

使不斷絕於未來世當轉法輪以大莊嚴而自莊嚴堅持禁戒皆悉成就如是功德於諸衆生生大悲心平等無二如視一子亦於晨朝日初出時各相謂言今日宜應至雙樹間諸優婆夷所設供具倍勝於前持至佛所稽首佛足繞百千匝而白佛言世尊我等今者爲佛及僧辨諸供具唯願如來哀受我供如來默然而不許可諸優婆夷不果所願心懷惆悵却住一面爾時復有四恒河沙毗耶離城諸離車等男女大小妻子眷屬及閻浮提

諸王眷屬爲求法故善修戒行威儀具足摧伏異學壞正法者常相謂言我等當以金銀倉庫爲令甘露無盡正法深奧之藏久住於世願令我等常得修學若有誹謗佛正法者當斷其舌復作是願若有出家毀禁戒者我當罷令還俗策使有能深樂護持正法我當敬重如事父母若有衆僧能修正法我當隨喜令得勢力常欲樂聞大乘經典聞已亦能爲人廣說皆悉成就如是功德其名曰淨無垢藏離車子淨不放逸離車子恒水無垢淨

德離車子如是等各相謂言仁等今可速往  
佛所所辦供養種種具足一一離車各嚴八  
萬四千大象八萬四千駟馬寶車八萬四千  
明月寶珠天木栴檀沉水薪束種種各有八  
萬四千一象前有寶幢幡蓋其蓋小者周  
巾縱廣滿一由旬幡最短者長三十二由旬  
寶幢卑者高百由旬持如是等供養之具往  
至佛所稽首佛足繞百千巾而白佛言世尊我  
我等今者爲佛及僧辦諸供具唯願如來哀  
受我供如來默然而不許可諸離車等不果所

所願心懷愁惱以佛神力去地七多羅樹於  
虛空中默然而住爾時復有五恒河沙大臣  
長者敬重大乘若有異學謗正法者是諸人  
等力能摧伏猶如電雨摧折草木其名曰日  
光長者護世長者護法長者如是之等而爲  
上首所設供具五倍於前俱共往諸娑羅雙  
樹間稽首佛足繞百千巾而白佛言世尊我  
等今者爲佛及僧設諸供具唯願哀愍受我  
等供如來默然而不受之諸長者等不果所  
願心懷愁惱以佛神力去地七多羅樹於虛

空中默然而住爾時復有六恒河沙毗舍離王及其後宮夫人眷屬闍浮提內所有諸王除阿闍世并及城邑聚落人民其名曰月無垢王等各嚴四兵欲往佛所是一一王各有九百八十萬億人民眷屬是諸車兵駕以象馬象有六牙馬疾如風莊嚴供具六倍於前寶蓋之中有極小者周匝縱廣滿八由旬播極短者十六由旬寶幢卑者三十六由旬是諸王等皆悉安住於正法中惡賤邪法敬重大乘深樂大乘憐愍衆生等如一子所持飲

食香氣流布滿四由旬亦於晨朝日初出時持是種種上妙甘膳詣雙樹間至如來所而白佛言世尊我等爲佛及比丘僧設是供具唯願如來哀愍受我最後供養如來知時亦不許可是諸王等不果所願心懷愁惱却住一面爾時復有七恒河沙諸王夫人唯除阿闍世王夫人爲度衆生現受女身常觀身行以空無相無願之法熏修其心其名曰三界妙夫人愛德夫人如是等諸王夫人皆悉安住於正法中修行禁戒威儀具足憐愍衆生

等如一子各相謂言今宜速往詣世尊所諸王夫人所設供養七倍於前香華寶幢繒綵旛蓋上妙飲食寶蓋小者周匝縱廣十六由旬旛最短者三十六由旬寶幢卑者六十八由旬飲食香氣周徧流布滿八由旬持如是等供養之具往如來所稽首佛足繞百千匝而白佛言世尊我等爲佛及比丘僧設是供具唯願如來哀愍受我最後供養如來知時默然不受時諸夫人不果所願心懷愁惱自拔頭髮搥胷大哭猶如新喪所愛之子却在

一面默然而住爾時復有八恒河沙諸天女等其名曰廣目天女而爲上首作如是言汝等諸姊諦觀諦觀是諸大衆所設種種上妙供具欲供如來及比丘僧我等亦當如是嚴設微妙供具供養如來如來受已當入涅槃賓一諸姊諸佛如來出世甚難最後供養亦復倍難若佛涅槃世間空虛是諸天女愛樂大乘欲聞大乘聞已亦能爲人廣說渴仰大乘既自充足復能充足餘渴仰者守護大乘若有異學憎嫉大乘勢能摧滅如電摧草護持戒

行威儀具足善能隨順一切世間度未度者  
脫未脫者於未來世當轉法輪紹三寶種使  
不斷絕修學大乘以大莊嚴而自莊嚴成就  
如是無量功德等慈衆生如視一子亦於晨  
朝日初出時各取種種天木香等倍於人間  
所有香木其木香氣能滅人中種種災穢白  
車白蓋駕四白馬一一車上皆張白帳其帳  
四邊懸諸金鈴種種香華寶幢幡蓋上妙甘  
膳種種妓樂數師子座其座四足純紺琉璃  
於其座後各各皆有七寶倚牀一一座前復

有金杌復以七寶而爲燈樹種種寶珠以爲  
燈明微妙天華徧布其地是諸天女設是供  
已心懷哀感涕淚交流生大苦惱亦爲利益  
安樂衆生成就大乘第一空行顯發如來方  
便密教亦爲不斷種種說法往詣佛所稽首

佛足繞百千匝而白佛言世尊唯願如來哀  
受我等最後供養如來知時默然不受諸天  
女等不果所願心懷憂惱却在一面默然而  
住爾時復有九恒河沙諸龍王等住於四方  
其名曰和修吉龍王難陀龍王婆難陀龍王

而爲上首是諸龍王亦於晨朝日初出時設諸供具倍於人天持至佛所稽首佛足繞百千匝而白佛言唯願如來哀受我等最後供養如來知時默然不受是諸龍王不果所願心懷愁惱却坐一面爾時復有十恒河沙等諸鬼神王毗沙門王而爲上首各相謂言仁等今者可速詣佛所設供具倍於諸龍持往佛所稽首佛足繞百千匝而白佛言唯願如來哀受我等最後供養如來知時默然不受是鬼神王不果所願心懷愁惱却坐一面爾

時復有二十恒河沙金翅鳥王降怨鳥王而爲上首復有三十恒河沙乾闥婆王那羅達王而爲上首復有四十恒河沙緊那羅王善見王而爲上首復有五十恒河沙摩睺羅伽王大善見王而爲上首復有六十恒河沙阿修羅王跋婆利王而爲上首復有七十恒河沙陀那婆王無垢河水王跋提達多王等而爲上首復有八十恒河沙等羅刹王可畏王而爲上首捨離惡心更不食人於怨憎中生慈悲心其形醜陋以佛神力皆悉端正復有

九十恒河沙樹林神王樂香王而爲上首復有千恒河沙持呪王大幻持呪王而爲上首復有一億恒河沙貪色鬼魅善見王而爲上首復有百億恒河沙天諸采女藍婆女鬱婆尸女帝路沾女毗舍佞性而爲上首復有千億恒河沙地諸鬼王白濕王而爲上首復有一千萬億恒河沙等諸天子及諸天王四天王等復有十萬億恒河沙等四方風神吹諸樹上時非時華散雙樹間復有十萬億恒河沙主雲雨神皆作是念如來涅槃焚身之時我

寶一  
當霪雨令火時滅衆中熱悶爲作清涼復有二十恒河沙大香象王羅睺象王金色象王甘味象王紺眼象王欲香象王等而爲上首敬重大乘愛樂大乘知佛不久當般涅槃各各拔取無量無邊諸妙蓮華來至佛所頭面禮佛却住一面復有二十恒河沙等師子獸王師子吼王而爲上首施與一切衆生無畏持諸華果來至佛所稽首佛足却住一面復有二十恒河沙等諸飛鳥王鳴鴈鷺鷥孔雀諸鳥乾闥婆鳥迦蘭陀鳥鸕鷀鵠俱翅羅

鳥婆嚩伽鳥迦陵頻伽鳥耆婆耆婆鳥如是等諸鳥持諸華果來至佛所稽首佛足却住一面復有二十恒河沙等水牛牛羊往至佛所出妙香乳其乳流滿拘尸那城所有溝坑色香美味悉皆具足成是事已却住一面復寶一有二十恒河沙等四天下中諸神仙人忍辱仙等而爲上首持諸香華及諸甘果來諸佛所稽首佛足繞佛三匝而白佛言唯願世尊哀受我等最後供養如來知時默然不許時諸仙人不果所願心懷愁惱却住一面閻浮

提中一切蜂王妙音蜂王而爲上首持種種華來諸佛所稽首佛足繞佛一匝却住一面爾時閻浮提中比丘比丘尼一切皆集唯除尊者摩訶迦葉阿難二衆復有無量阿僧祇恒河沙等世界中間及閻浮提所有諸山須彌山王而爲上首其山莊嚴叢林蓊鬱諸樹茂盛枝條扶疎蔭蔽日光種種妙華周徧而有龍泉流水清淨香潔諸天龍神乾闥婆阿修羅迦樓羅緊那羅摩睺羅伽神仙呪術作倡妓樂如是等衆彌滿其中是等諸神亦來

諸佛稽首佛足却住一面復有阿僧祇恒河沙等四大海神及諸河神有大威德具大神足所設供養倍勝於前諸神身光伎樂燈明悉蔽日月令不復現以占婆華散熙連河來至佛所稽首佛足却住一面爾時拘尸那城婆羅樹林其林變白猶如白鶴於虛空中自然而有七寶堂閣彫文刻鏤綺飾分明周帀欄楯衆寶雜廁堂下多有流泉浴池上妙蓮華彌滿其中猶如北方鬱單越國亦如忉利歡喜之園爾時婆羅樹林中間種種莊嚴甚

可愛樂亦復如是是諸天人阿修羅等咸覩如來涅槃之相皆悉悲感愁憂不樂爾時四天王釋提桓因各相謂言汝等觀察諸天世人及阿修羅大設供養欲於最後供養如來我等亦當如是供養若我最後得供養者檀波羅蜜則爲成就滿足不難爾時四天王所設供養倍勝於前持曼陀羅華摩訶曼陀羅華迦枳樓伽華摩訶迦枳樓伽華曼殊沙華摩訶曼殊沙華散多尼迦華摩訶散多尼迦華愛樂華大愛樂華普賢華大普賢華時華

大時華香城華大香城華歡喜華大歡喜華  
發欲華大發欲華香醉華大香醉華普香華  
大普香華天金葉華龍華波利質多樹華拘  
毗陀羅樹華復持種種上妙甘餚來至佛所  
稽首佛足是諸天人所有光明能覆日月令  
不復現以是供具欲供養佛如來知時默然  
不受爾時諸天不果所願愁憂苦惱却住一  
面爾時釋提桓因及三十三天設諸供具亦  
倍勝前及所持華亦復如是香氣微妙甚可  
愛樂持得勝堂并諸小堂來至佛所稽首佛

足而白佛言世尊我等深樂愛護大乘唯願  
如來哀受我食如來知時默然不受時諸釋  
天不果所願心懷愁惱却住一面乃至第六  
天所設供養展轉勝前寶幢幡蓋寶蓋小者  
覆四天下幡最短者周圍四海幢最早者至  
自在天微風吹幡出妙音聲持上甘膳來詣  
佛所稽首佛足白佛言世尊唯願如來哀受  
宣一五  
我等最後供養如來知時默然不受是諸天  
等不果所願心懷愁惱却住一面上至有頂  
其餘梵衆一切來集爾時大梵天王及餘梵

衆放身光明徧四天下欲界人天日月光明  
悉不復現持諸寶幢繒綵幡蓋旛極短者懸  
於梵宮至娑羅樹間來詣佛所稽首佛足白  
佛言世尊唯願如來哀受我等最後供養如  
來知時默然不受爾時諸梵不果所願心懷  
愁惱却住一面爾時毗摩質多阿修羅王與  
無量阿修羅大眷屬俱身諸光明勝於梵天  
持諸寶幢繒綵幡蓋其蓋小者覆千世界上  
妙甘膳來詣佛所稽首佛足而白佛言唯願  
如來哀受我等最後供養如來知時默然不

受諸阿修羅不果所願心懷愁惱却住一面  
爾時欲界魔王波旬與其眷屬諸天婬女無  
量無邊阿僧祇衆開地獄門施清淨木因而  
告曰汝等今者無所能爲唯當專念如來應  
正徧知建立最後隨喜供養當令汝等長夜  
獲安時魔波旬於地獄中悉除刀劍無量苦  
毒熾然燄火霆雨滅之以佛神力復發是心  
令諸眷屬皆捨刀劍弓弩鎧仗鉢絳長鈎金  
椎鐵斧鬪輪霜索所持供養倍勝一切人天  
所設其蓋小者覆中千界來至佛所稽首佛

足而白佛言我等今者愛樂大乘守護大乘  
世尊若有善男子善女人爲供養故爲怖畏  
故爲誑他故爲財利故爲隨他故受是大乘  
或真或偽我等爾時當爲是人除滅怖畏說  
如是呢

寅一

十六

踔枳 吒咤 羅踔枳 盧訶隸 摩訶盧  
訶隸 阿羅遮羅 多羅 莎訶

是呢能令諸夫心者怖畏者說法者不斷正  
法者爲伏外道故護己身故護正法故護大  
乘故說如是呢若有能持如是呢者無惡象

怖若至曠野空澤險處不生怖畏亦無水火  
師子虎狼盜賊王難世尊若有能持如是呢  
者悉能除滅如是等怖世尊持是呢者我當  
護之如龜藏六世尊我等今者不以謾詭說  
如是事持是呢者我當至誠益其勢力唯願  
如來哀受我等最後供養爾時佛告魔波旬  
言我不受汝飲食供養我已受汝所說神呢  
爲欲安樂一切衆生四部衆故佛說是已默  
然不受如是二請皆亦不受時魔波旬不果  
所願心懷愁惱却住一面爾時大自在天王

與其眷屬無量無邊及諸天衆所設供具悉  
覆梵釋護世四王人天八部及非人等所有  
供具梵釋所設猶如聚墨在珂貝邊悉不復  
現寶蓋小者能覆三千大千世界持如是等  
供養之具來詣佛所稽首佛足繞無數帀白  
寶一  
佛言世尊我等所獻微末供具喻如蚊子供  
十七  
養於我亦如有人以一掬水投之大海然一  
小燈助百千日春夏之月衆華茂盛有持一  
華益於衆華以蔓蘚子益於須彌豈當有益  
大海日明衆華須彌世尊我今所奉微末供

具亦復如是若以三千大千世界滿中香華  
妓樂幡蓋供養如來尚不足言何以故如來  
爲諸衆生常於地獄餓鬼畜生諸惡趣中受  
諸苦惱是故世尊應見哀愍受我等供爾時  
東方去此無量無數阿僧祇恒河沙微塵等  
世界彼有佛土名意樂美音佛號虛空等如  
來應正徧知明行足善逝世間解無上士調  
御丈夫天人師佛世尊爾時彼佛即告第一  
大弟子言善男子汝今宜往西方婆娑世界  
彼土有佛號釋迦牟尼如來應正徧知明行

足善逝世間解無上士調御丈夫天人師佛世尊彼佛不久當般涅槃善男子汝可持此世界香飯其飯香美食之安隱可以此食奉獻彼佛世尊世尊食已入般涅槃善男子并可禮敬請決所疑爾時無邊身菩薩摩訶薩即受佛教從座而起稽首佛足右繞三匝與無量阿僧祇菩薩俱從彼國發來至此娑婆世界應時此間三千大千世界大地六種震動於是衆中梵釋四王魔王波旬摩醯首羅如是大眾見是地動舉身毛豎喉舌枯燥驚

怖顫慄各欲四散自見其身無復光明所有威德殄滅無餘是時文殊師利法王子即從座起告諸大眾諸善男子汝等勿怖汝等勿怖何以故東方去此無量無數阿僧祇恒河沙數微塵等世界有世界名意樂美音佛號虛空等如來應正徧知十號具足彼有菩薩名無邊身與無量菩薩欲來至此供養如來以彼菩薩威德力故令汝身光悉不復現是故汝等應生歡喜勿懷恐怖爾時大眾悉皆遙見彼佛大眾如明鏡中自觀己身時文殊

師利復告大眾汝今所見彼佛大眾如是此  
佛以佛神力復當如是得見九方無量諸佛  
爾時大眾各相謂言苦哉苦哉世間空虛世  
間空虛如來不久當般涅槃是時大眾一切  
悉見無邊身菩薩及其眷屬是菩薩身一一  
毛孔各各出生一大蓮華一一蓮華各有七  
萬八千城邑縱廣正等如毗耶離城牆壁諸  
塗七寶雜廁多羅寶樹七重行列人民熾盛  
安隱豐樂閭浮檀金以為却敵一一却敵各  
有種種七寶林樹華果茂盛微風吹動出微

妙音其聲和雅猶如天樂城中人民聞是音  
聲即得受於上妙快樂是諸塗中妙水盈滿  
清淨香潔如真琉璃是諸水中有七寶船諸  
人乘之遊戲澡浴共相娛樂快樂無極復有  
無量雜色蓮華優鉢羅華拘物頭華波頭摩  
華分陀利華其華縱廣猶如車輪其岸上  
多有園林一一園中有五泉池是諸池中復  
有諸華優鉢羅華拘物頭華波頭摩華分陀  
利華其華縱廣亦如車輪香氣芬馥甚可愛  
樂其水清淨柔軟第一鳬鴛鴦遊戲其中

其園各有衆寶宮宅一一宮宅縱廣正等滿四由旬所有牆壁四寶所成所謂金銀琉璃玻瓈真金爲向周帀欄楯玫瑰爲地金沙布上是宮宅中多有七寶流泉浴池一一池邊各有十八黃金梯階間浮檀金爲芭蕉樹如忉利天歡喜之園是一一城各有八萬四千人王一一諸王各有無量夫人婦女共相娛樂歡喜受樂其餘人民亦復如是各於住處共相娛樂是中衆生不聞餘名純聞無上大乘之聲是諸華中一一各有師子之座其座

四足皆紺琉璃柔軟素衣以敷座上其衣微妙出過三界一一座上有—王坐以大乘法教化衆生或有衆生書持讀誦如說修行如是流布大乘經典爾時無邊身菩薩安止如是無量衆生於自己身令捨世樂皆作是言苦哉苦哉世間空虛如來不久當般涅槃爾時無邊身菩薩與無量菩薩周帀圍繞示現如是神通力已持是種種無量供具及以上妙香美飲食若有得聞是食香氣煩惱諸垢皆悉消滅以是菩薩神通力故一切大衆悉

皆得見如是變化無邊身菩薩身大無邊量  
同虛空唯除諸佛餘無能見是菩薩身其量  
邊際爾時無邊身菩薩及其眷屬所設供養  
倍勝於前來至佛所稽首佛足合掌恭敬白  
佛言世尊唯願哀愍受我等食如來知時默  
第一  
然不受如是三請悉亦不受爾時無邊身菩  
薩及其眷屬却住一面南西北方諸佛世界  
亦有無量無邊身菩薩所持供養倍勝於前  
來至佛所乃至却住一面皆亦如是爾時娑  
羅雙樹吉祥福地縱廣三十二由旬大衆充

滿間無空缺爾時四方無邊身菩薩及其眷  
屬所坐之處或如錐頭針鋒微塵十方如微  
塵等諸佛世界諸大菩薩悉來集會及閻浮  
提一切大衆亦悉來集唯除尊者摩訶迦葉  
阿難二衆阿闍世王及其眷屬乃至毒蛇視  
能殺人蠍娘蝮蝎及十六種行惡業者一切  
來集陀那婆神阿修羅等悉捨惡念皆生慈  
心如父如母如姊如妹三千大千世界衆生  
慈心相向亦復如是除一闡提爾時三千大  
千世界以佛神力故地皆柔軟無有丘墟土

沙礫石荆棘委草衆寶莊嚴猶如西方無量壽佛極樂世界是時大眾悉見十方如微塵等諸佛世界如於明鏡自觀已身見諸佛土亦復如是爾時如來面門所出五色光明其光明曜覆諸大會令彼身光悉不復現所應作已還從口入時諸天人及諸會衆阿修羅

等見佛光明還從口入皆大恐怖身毛爲豎復作是言如來光明出已還入非無因緣必於十方所作已辦將是最後涅槃之相何其苦哉何其苦哉如何上尊一旦捨離四無量

心不受人天所奉供養聖慧日明從今永滅無上法船於斯沉沒嗚呼痛哉世間大苦舉手椎胷悲號啼哭支節戰動不能自持身諸毛孔流血灑地

大般涅槃經卷第一

音釋

椎直追切擊也顛支寒切之腊切四  
塞也嚼咀嚼切疾雀切掉也哽噎哽古杏切噎  
舉也酢酸也倉故切先奏切鹽口也轎古核切擎導  
鷄也處脂名持也切幾西切唼作答切竅告  
食也他計切瘞也寐也吐也寐也弔



永樂北藏

大般涅槃經

第三二冊